

# die Junge vo de Alte Stainlemer



## Binggis Fasnacht 2016

Sujet:

# Psssstainions

Im letschte Summer bricht – o Gruus –  
by uns au s Minions-Fieber uus.  
...Ee...Minions ...?...wasch denn das bim Gaier?  
Sy glychen Überraschiigsaier.  
S sinn so ovaali, gääli Wicht,  
mit Ärm, Bai, uff em Buuch e Gsicht,  
mit Daucherbrülle, ooni Gschlächt;  
Kopffiessler! Und sy schwätze schlächt,  
denn iiri Sprooch döönt eender hool:  
BANANAAA! haisst: "Es isch mer wool".

Doch jeede findet d Minions toll.  
Drum sinn au d Kino gstoosse voll.  
Bim Kauf vo Joghurt, Obscht und Büürli,  
gitts denn scho gly Minions-Figüürli.  
Au du findsch die sooo häärzig – jeeee!  
Doch bald scho hesch die Minions gsee.  
Derbyy könntsch Wyshait von ene haa.  
Drum: LUUK AT TA ("Lueg dii mool aa.")


Wie laufsch du byspiilswyys dur d Wält?  
Du bisch doch gsund und hesch gnueg Gäld!  
Doch ainewääg zaigsch – s isch zem Gryne –  
all Daag e Lychebittermyne.  
Derbyy könntschs du wie d Minions mache;  
die lache vyyl abb glaine Sache.  
Am liebschte freue sii sich zämme.  
BI DO ("Verzeih"): Du sottsch dy schämme!

Dy Lääbe macht dir kai Vergniege.  
Hesch Angscht, du wurdsch kai Sitzblatz griege,  
wurdsch an der Kasse z hinderscht stoo  
(bim kalte Buffet sowysoo).  
Bisch nit – wie d Minions – andere gwooge.  
Statt Härz hesch du en Ellebooge.  
Nutzts dir, no dränglisch und schupfsch umme.  
SA LA KAL ("Wie kasch au numme?") !

Kasch überhaupt au no richtig feschte?  
Denn s Feschte isch für d Minions s Beschte.  
Zwoor wird dir das jetz au vergällt.  
Wenns nämmlig z Basel Zääni schällt,  
göön d Baize, d Lääde, s Lääbe zue.  
Der Staat befiilt drum höggschi Rue.  
Findsch du das nit au biirewaich?  
Rief: BANONINA! ("Soon e Saich").

S haig Lütt, die züügle zmitts in d Stadt.  
Scho glyy hänn sii der Lärm döört satt.  
Statt ass sy jetze wytterzien,  
sinns anderi, wo still syy mien:  
Mir Junge wärden in der Nacht,  
Vo Minions zue PSSSSSTainions gmacht.  
Die Graabesstilli isch dernääbe!  
Drum: STUPA ("Stopp") ! Hännd Freud am Lääbe!!!

D Ladäärn-Uusstellig uff em Münschterplatz,  
d Waagen- und Requisiten-Uusstellig uff em Kasäärneplatz  
sinn vom Määntig znacht bis am Mittwuch demorge.



Als Bueb kunnsch nadüürlig zue de **Alte Stainlemer** !

Namme: .....

Voornamme: .....

Strooss: .....

PLZ / Ort: .....

Delifoon: ..... Joorgang: .....

Schigg die Aamäldig an Obmaa vo de Junge:  
Pascal Mutschler, Baumgartenweg 15, 4123 Allschwil oder lütt  
em doch aifach aa: Delifoon 076 589 17 53  
oder schigg en E-Mail an: p.mutschler@stainlemer.ch

oder kumm in unsere Käller go schnuppere  
am Samschdig 20. oder 27. Februar 2016  
zwüsche zwai und vieri am Noomidaag  
am Aubärg 2b (bi dr Heuwoog)  
Cliquekällerbesichtigung und Apéro für alli Eltere  
oder mäld dy under: [www.jungi-stainlemer.ch](http://www.jungi-stainlemer.ch)